

137. FITXA Euskadiko toki-administrazio publikoaren energia-jasangarritasuna hobetzeko azterlanak eta auditoriak egiteko laguntzak

Nori zuzendua: kontzejuak, ermandadeak, administrazio-batzarrak eta eremu txikiagoko bestelako lurraldeko toki-erakundeak; udalerrak; udalerrimankomunitateak, Arabako lurralde historikoko kuadrillak eta bestelako toki-erakundeak, toki-araubideko oinarrizko legerian eta Euskadiko Toki Erakundeei buruzko 2/2016 Legean ezarritakoarekin bat; toki-erakunde horiei lotutako edo haien mendeko erakunde publikoak; udal-enpresa publikoak, baldin eta atal honetan aurreikusitako erakundeek horien kapital sozialean duten zuzeneko nahiz zeharkako partaidetza % 50etik gorakoa bada; fundazioak, baldin eta fundazioaren patronoa toki-erakunde bat bada, edo haren patronatua, nagusiki, toki-erakundeko ordezkariez osatuta badago; partzuergoak eta mota guztietako gainerako erakunde instrumentalak, baldin eta nagusiki toki-kapital publikoaren partaidetza badute edo haien posizio nagusia toki-erakunde batena bada.

Sarbide-esteka: [EVE – Energiaren Euskal Erakundea – Ente Vasco de la Energía](#)

Erreferentziazko araudia: [EBAZPENA, 2025eko maiatzaren 15ekoa, Energiaren Euskal Erakundeko zuzendari nagusiarena, Euskadiko toki-administrazio publikoaren energia-jasangarritasuna hobetzeko azterlanak eta auditoriak egiteko laguntzen programaren oinarriak onartzen, deialdia egiten eta argitaratzen dituen](#)

Eremuak: Energia jasangarritasuna

Zenbatekoa: 5.000.000 €

Eskabideak aurkezteko epea: 2025/06/30eko 8:00etatik 2028/10/17ra arte, edo aurrekontua agortu arte.

Laburpena

Euskal Autonomia Erkidegoko lurraldean dauden instalazio eta **eraikin publikoetan energia aurrezte** eta **efizientzia lortzea eta energia berriztagarriak erabiltzea helburu** duten ekintzak identifikatu eta **sustatzeko**, eman da argitara Euskadiko toki-administrazio publikoaren **energia-jasangarritasuna hobetzeko azterlanak eta auditoriak egiteko** laguntza-programa hau.

Diruz lagundu daitezkeen jarduerak

I. eranskinean zerrendatutakoak izango dira jarduketara subentzionagarriak, betiere eskatzaileek EAEko

lurrealdean burututakoak badira eta **Euskadiko toki-administrazio publikoaren energia-jasangarritasuna hobetzeko azterlanak eta auditoriak** egitea helburu badute, bereziki:

- Kanpo-argiteria publikoaren energia-auditoriak.
- Energia-eraikin eta energia-instalazioen energia-auditoriak.
- 5.000 biztanletik beherako udalerri eta beste toki-entitateentzako energia-eraginkortasuneko planak.
- 5.000 biztanletik beherako udalerri eta beste toki-entitateentzako mugikortasun jasagarriko planak.
- Bideragarritasun-azterlanak eta energia-jasangarritasuneko proiektuak lantzea.

Gastuetarako aldi hautagarria

Programa hau argitaratu aurretik egindako jarduketak onartuko dira, baldin eta **2024ko abenduaren 31 baino geroago** hasi badira, hau da, kontratistarekin sinatutako kontratua egun horretakoa edo geroagokoa bada; eta jarduketa gauzatu, fakturatu eta ordaindu dela egiaztatzen bada **12 hilabeteko** epean gehienez, laguntza emateko ebazpena jakinarazten den egunetik kontatzen hasita, eta, nolanahi ere, **2028ko abenduaren 31n** beranduenez.

Laguntzen zenbatekoa

Deskribatutako jarduketek kostu subentzionagarriaren **% 80**ra bitarteko laguntza izango dute, 2023/2831 Erregelamenduari dagokionez enpresatzat hartzen ez diren pertsona onuradunentzat.

Jarduketa subentzionagarriaren kasu espezifikoan, bideragarritasun-azterlanak eta jasagarritasun energetikoko proiektuak egiteko, gehienez ere **15.000 euroko** dirulaguntza jaso ahal izango da azterlan bakoitzeko, eta kostu subentzionagarriaren **% 50**eko laguntza.

Onuradun bakoitzeko gehieneko laguntzak, eskaeren kopurua eta haien irismena edozein delarik ere, ez du jarraian biltzen den mugako balioa gaindituko:

- Udalerriak eta gainerako onuradunak, oso-osorik udalerri bakar baten partaidetza badute:

Udalerriko biztanle kopurua	Onuradun bakoitzeko gehieneko kopurua (€)
1.000tik behera	15.000
1.000, edo 1.000 baino gehiago eta 5.000 baino gutxiago	45.000
5.000, edo 5.000 baino gehiago eta 20.000 baino gutxiago	75.000
20.000, edo 20.000 baino gehiago eta 50.000 baino gutxiago	110.000
50.000, edo 50.000 baino gehiago eta 100.000 baino gutxiago	145.000
100.000 edo hortik gora	200.000

- Udalaz gaindiko toki-erakundeentzat eta udalerri baten baino gehiagoren partaidetza duten gainerako onuradunentzat, erakunde eskatzailean parte hartzen duten udalerri guztien biztanle kopuruen batura hartuko da kontuan, pertsona onuradun bakoitzeko gehieneko laguntzaren zenbatekoa ezartzeko.
- Udalaz azpiko toki-erakunde kasuan, entitate eskatzailea kide den udalerriko biztanle-

kopurua hartuko da kontuan, eta onuradun bakoitzeko laguntzaren gehieneko zenbatekoa aurreko taulan jasotako zenbatekoen % 40 izango da.